

En chësc ann dles vocaziuns nes inviëia la Unité Pastorala cun pater Franz Senfter da ti dé importanza al Santuar da Oies, da gní a le vijité y le sintí sciöche post de chît, de oraziun y de fede. De Carsëma sarál proi dla valada y da defora che confessará vigni vëndres dales 16.30 ales 18.00.

Le Sorvisc ai Jogn chir animadus/ësses che á arjunt la majera eté ai 8.7.19, por le proiet ISTÉ DEBORIADA 2019. info@jogn.org o 0474 523 070 o 342 84 27 430. Les domandes é da dé jö cina la jöbia di 28 de forá.

SAN MARTIN: Ince por l'ann 2018 Ves periunse indô dër bel da paié ite cina ala fin de merz le contribut por la cöra de 40,00 € por vigni porsona che á complí 18 agn (tuc fora studënc y studëntes) söl cunt dla cöra: IBAN IT 11 J 08010 58830 000304004922.

Le KVV inviëia düc en jöbia grassa ai 28/02, dales 14.00 tl salf di stödafüch ala cartada da Carlascé. I mius ciafará n pest y i manco bugn le "pozer". Al vëgn tenü sö "Faschingskrapfen" y da bëre. Präibel gnide tröc.

L'Uniu dl Sport da San Martin: Curs de ginastica cun musiga: "Teen power dance" por mitans y mituns dala 4^a elementara ala 2^a mesana cun Viola. Le curs pëia ia en mercui ai 27 de forá por 7 iadi y vëgn tigní tres de mercui dales 14.30 - 15.30 tla palestra. Le cost é de 40 € + cherta d'iscriziun Uniu Sport. Al dess n'ester altamo 10. Prenoté le pröm iade te palestra o 339 62 11 647.

LUNGIARÜ: Chi che ne l'ess nia ciamó fat é bel peria da paié ite le contribut por le mone te calonia incö domënia, ai 24 de forá, do la gran mëssa; präibel y dilan.

La Uniun di Seniors da Lungiarü inviëia düc i seniors en domënia, ai 3 de merz, da s'abiné dales 12.30 ite Ciampcios por fá n bel rait caifora cun la liosa. Tolësse sambëgn do na liosa. Gnide tröc!

La Uniun dles Ères da Lungiarü inviëia da gní cun la liösa ite Ciampcios en domënia, ai 03 de merz. I s'incuntun dales 13.00 ite dala plaza dai auti da Pares por jí adöm ite dala ütia de Ciampcios, ola ch'al s'aspetá n bun domisde.

La Ciasa de Palsa chir praticanc/antes danter 16 y 21 agn por isté. Info: Ciasa de Palsa 0474 524700 y internet; www.stiftungsparkasse.it. An pó se scrí ite cina ai 11 de merz por internet: https://www.stiftungsparkasse.it/Job.aspx?FILE=TYP STD&ID=20011964&GRP=Interventi%20-&IMG_ID=11200005. Le proiet vëgn metü a jí cun le sostëgn dla Stiftung Südt. Sparkasse, dla Assoziaziun Provinziala dles Ciasas de Palsa y de d'atres assoziaziuns.

Este interessé/ssada da lauré cun seniors y/o porsones cun handicap? Spo scríete ite ala formaziun a mez tēp da operadëssa sozio-sanitara a Bornech o ala formaziun a mez tēp da operadëssa-sozio assistenziala a Porsenü.

La formaziun é de 550 ores de pratica y 650 ores de teoria. Le curs é davert a porsones da 25 agn insö che pó se scrí ite dal 01 de forá ai 15 de merz pro la scora por i laurs soziai "Hannah Arendt". 0471 973 494.

I rapresentanc dles uniuns dl Comun da San Martin é inviá ala sentada generala dl Consëi de Formaziun en lönesc, ai 25/02, dales 20.00 tl salf dl Istitut Ladin.

La «Latschenölbrennerei Bergila» abina adöm rames de barantl y de cier. I laurun ion adöm cun i patrums di bosc 0474 565 373.

Döt le bun a chi che complësc i agn de merz

a Lungiarü : Sepl Clara da Somvì che nen complësc 84 ai 21
Sepl Rives che nen complësc 84 ai 24



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

24.02. – 03.03.19 nr. 13

ultimo termo por comunicaziuns: jöbia dales 20.00

radio: 90,40 / 93,70

7^a DOMÈNIA IA POR L'ANN C

Vangele do Lüca 6,27-38

Te chël tēp à Gejú dit a sü discepu: A os, ch'i m'ascutëis pro, ves diji:

Oredi bun a üsc nemisc; fajedi de bëgn a chi che ves à le sënn.

Benedide chi che ves maledësc; periede por chi che ves maltrata.

A chël che te bat sön öna na massëdla tēgni ince ia l'atra,

y a chël che te tol le mantel lasci ince la ciämëja.

Dài a vignun che te präia; y sce un te tol val', no le ghiré derevers.

Ći ch'i ves aspetëis da d'atri, chël fajedi ince os a d'ëi.

Sc'i ti orëis mâ bun

a chi che ves ô bun,

ći mirit se fajëise pa?

Ince i pičiadus ti ô bun

a chi che ti ô bun.

Y sc'i ti fajëis mâ de bëgn,

a chi che ves fej a os de bëgn,

ći mirit se fajëise pa?

Chël fej ince i pičiadus.



Ál pa n significat ci che Gejú ghira da nos tl vangele da incö?

Ne condüjel nia le violënt a ester ciamó plü violënt, sc'i ne me pari nia?

Domandes dessigü iustificades, mo porchël ne pói nia ignoré la noela de Gejú.

I ne mëssi nia tó dagnora ci che Gejú insëgna avisa parora por parora,

mo impó mëssi tó sües parores söl sciode. Cal é pa spo l'insegnamënt?

Ch'i ti ciales ala jënt nia cun mi edli, mo cun i edli de Chë Bel Dî.

Spo ne vëighi nia plü tla porsona ch'i á dan da me n nemich o n sfrutadú,

mo na creatöra de Dî, che ti stá a Chël Bel Dî tambëgn a cör coche iö ti stá a cör.

Spo odarái dan da me na porsona che á magari falé jö le dër tru.

Y chësc pó me recordé ch'i pó ince iö datrai jí por trus falá.

Nia sënn o vöia de vendicaziun ne dess rovëne mi comportamënt.

Tla oraziun ói mëte düc mi raporç cun la jënt incër me ia tles mans de Dî, che é bun da mëte indért y da varí, ci che ne me pê a me nia meso. (M.T.)

	SAN MARTIN	LUNGIARÛ	 LA DOMĚNIA, DÉ DL SIGNUR La Doměnia é tl medemo tĕmp l'ultimo y le prĕm dé dl'edema Al é le dé de palsa che Idĭ á santifiché do ch'al á cherié le monn. En chĕsc dé palsa la jĕnt dal laur, ascuta la parora de Dĭ, le lalda y le rengraziĕia por dĕt ci ch'al á cherié. I prĕms cristians á metũ man da tignĭ chĕsc dé ince sciĕche prĕm dé dl'edema Al é le dé olach'i s'alegrun y recordun Gejú Crist, le Fĭ de Dĭ, gnũ tl monn sciĕche sũa Parora. Al á vit cun la jĕnt. Ai l'á surandé ala mort sĕla crusc, mo Idĭ l'á ressuscité. Insciĕ festejunse chĕsc dé sciĕche dé de sũa ressureziun. Cun Gejú Crist festejunse la doměnia sciĕche prĕm dé dla creaziun nĕia. „Sine dominico non possumus“ Do che l'imparadũ roman Diocletian ti â proibĭ ai cristians, cun le castighe dla mort, da s'abiné la doměnia al'Eucaristia, ěl gnũ abiné l'ann 304 do G.Cr. a Abitene tla Tunisia 49 cristians che s'â abiné a rumpĭ le pan. Ala domanda, ciodĭ ch'ai ne s'â nia tignĭ ala proibiziun dl imparadũ, â respognũ un de chisc che â inom Emeritus: „Zĕnza s'abiné la Doměnia a festejé l'Eucaristia, ne sunse nia bugn da afrunté la vita.“ Do tortĕres crĕdies é chisc 49 martiri da Abitene gnũs copá.
24.02.19 7ª DOMĚNIA - Ann C <i>Matia apostul</i>	9.00 Corona por + Paola Gasser Bioc 9.30 GRAN MĚSSA dla Comunité	7.55 Corona 8.15 GRAN MĚSSA dla Comunité	
25.02.19 Lĕnesc <i>Walburga, Adeltrude</i>			
26.02.19 Dedolĕnesc <i>Durich, Matilda</i>	15.30 Měssa sĕ Ju + Helmut Dejaco + Pire Rives + Mariangel Tavella		
27.02.19 Dedemesaledema <i>Iulian, Gabriel</i>		7.30 Měssa fam. Carlo y Paula Castlunger + + fredesc Mischi da Miscĭ	
28.02.19 Jĕbia <i>Roman, Silvana, Antonia</i>	7.30 Měssa 2ª de sopoltĕra de Paola Gasser Bioc + Pire Unterweger + + dla fam. Costabiei-Tavella Corona por vocaziuns		
01.03.19 Prĕm vĕndres <i>De mondial d'oraziun dles eres</i> <i>Albin, Davĭde</i>	Comuniun ai amará 18.30 Adoraziun chĭta y confesciuns 19.00 Měssa en onur dl Sacher Cĕr de Gejú fam. Albert Moling + Maria Unterweger + Davide Costalunga	7.00 Adoraziun y confesciuns 7.30 Měssa en onur dl Sacher Cĕr de Gejú vis y defunc de Josef y Frieda Chiusura + Agostin Daporta Comuniun ai amará	
02.03.19 Sabeda <i>Agnes, Ines</i>	15.30 Měssa tla Ciasa de Palsa 18.30 Měssa prefestia 3ª de sopoltĕra de Paola Gasser Bioc dl ann + Rita Costabiei + Erna Frenner	20.00 Měssa prefestia dl ann + Serafin Clara dl ann + Guido Clara + + + Franz, Veronica y Giovanni Costa	
03.03.19 8ª DOMĚNIA - Ann C	9.00 Corona 9.30 GRAN MĚSSA dla Comunité	7.55 Corona 8.15 GRAN MĚSSA dla Comunité + + siur Sepl y suor Agata Clara	
La Uniun dles Ėres dl Decanat Val Badia inviĕia dĕtes les ĕres a tó pert al „De Mondial de Oraziun dles Ėres“ a Oies en vĕndres al 01 de merz. Dales 15.00 pĕia ia la prozesciun da San Linert y dales 16.00 s'abinunse ala S. Měssa sĕ Oies. Les ciantarines y chĕres che cianta ion, é periades da ester bele dales 15.00 sĕ Oies, por imparé ite les cianties. En chĕsc ann ěl gnũ arjigné la liturgia dales ĕres dla Slovenia.			